

DEO OPTIMO MAX.
UNI ET TRINO.

VIRGINI DEIPARÆ, ET S. LUÆ
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
manè discutienda, in Scholis Medicorum, die Jovis,
vigesima-secunda Martii, 1725.

M.^r CLAUDIO BURLET, Doctore Medico, Regiæ
Scientiarum Academiæ Socio, Hispaniarum Regis olim
Archiatro, Præfide.

An gracilibus Pomaceum Vino salubrius?

I.

Variæ pendent corporis habitudines à variâ partium solidarum structurâ, dispositione, texturâ, variâque humorum indole, agitatione, *ingressu*. De magnitudine & parvitate, de pulcritudine ac deformitate nihil, aut parum curat *Υπερ*, hisque vix unquam fuit adducta, ut in suis de tuenda valetudine legibus quidquam vellent esse discrepantia. De gracilitate & obesitate magis sollicita, suam cuique victûs rationem decernit, quâ utriusque vel incommodis levamen suppeditet, vel incrementis obices ponat. Duplex porro, ad naturam duplicem composita, *Diata* multiplices aëris qualitates expendere, somni vigiliæque tempora definire, moris & quietis indicare vices, exercitationum genera designare statagit. Respectu alimentorum, non tantum à cibo largiori, vel pariori, calidiori, vel frigidiori, sicciori, vel humidiori suas mutuatur diversitates; verum à dissimilibus quoque potius generibus insignia, maximeque ad sanitatem momenti discrimina sortitur. (a) Sunt quibus Vinum est alimentum, sunt quibus non est alimentum, sed venenum. Se quisque suo pede moduloque metiatur. Modulus iste habeatur *ιδιοσυγκρεια*. Hæc perspecta prius esse debet, quam conveniens eligi queat potus. (b) Nisi enim quis noverit quælis à principio fuerit constitutio, in corpore primis tenens, quæ homini conducant, proferte par-

non erit. Cognita corporis naturâ, studium ad potionum differèntias convertatur. Nimirum ut æcta salubrique victûs norma statuatür, (c) diversas non modò corporis *symp-tomas* oportet explorasse feliciter, sed omnium etiam, quibus fami & siti succurritur, alimentorum dotes comperisse. Liqueurum, quos familiari commendat usus, aliù calorem excitant atque intendunt, solidarum partium stamina convellunt, fluidarum exauiunt fermenta, utrarumque morus reddunt vegetiores: alii fervorem mitigant, librarum temperant siccitatem, & rigiditatem emolliunt, acutiora humorum obtundunt spicula, ætus motuum vividiorum sedant. Priori specio posteriorum facile patet esse gracilibus multò salubriorem.

- (a) Hipp. l. de alim.
(b) Hipp. de viâ. rat. l. 1.
(c) *ibid.*

I I.

(a) **T**ENUIS homo implere se debet... calidus refrigerare... siccus madefacere. In gracili corpore observâ cutis ariditatem, respirationis magnitudinem & æbreitatem, pulsus celeritatem, vehementiam ac frequentiam, implacidam somni brevitatem, non indecorè lascivienrium oculorum volubilitatem, salacitatem, sensuum peripiciaciam, vim ingenii præcipientem, audaciam, superbiam, iracundiam, aliasque istiusmodi cum animi, tum corporis affectiones. In eo calorem intensus, fibrarum summâ refibendi virtute donatarum siccitatem, æstuantem humorum agitationem, motus omnes violentissimos esse cõcludes. Liqueurum omnium corpus animale perluentium augendæ tenuitati plurimum conferre calorem vel inde fit manifestum, quod primam assumptionem dissolutionem & concoctionem insigniter promoveat. Id cum probè nosser Hippocrates, (b) crudos ventriculos cibo potuque celsifacienter roborandos esse decrevit. Cur animalia castrata stabulisque detenta citò saginantur? Ad pinguedinis incrementum parùm accurata requiritur alimentorum & succorum ab iis oriundorum elaboratio. Testiculorum resectione & assidua quiete, frigidior imbecilliorque ventriculus evadit, (c) quàm ut ingestorum copiam valeat exquisitè conficere. Spissiores proinde manent chylus, sanguis & succus nutritivus, apta materies obestati cumulanda. Cumcã depascentem in gracilibus ardorem obscuro carcere, vel crudeli cultro (ut in saginatione pecudum usu venit) expellat nullus; at saltem, potum si quis ministret, aquam igni, quàm oleum inspergi satius esse meminerit; (d) alioqui lethalem inferet corpori *evm*. Habilia crispâri stamina madore aliquo sunt recreanda, non torquenda calcaribus: nimis evolutæ fermentorum vires frænâ coërcendæ sunt, non stimulis armandæ: irrequeri motus repagulis cohibendi sunt, non incitamentis adaugendi. (e) *Congentilis exasperatur, contrariis levatur* vitiosus quivis affectus. Proderis, macilentio, si huic mitiores frigidioresque hauritus propinaveris; si contra calidiores ac generosiores, omnia raent in pejus. Hinc divina Coi doctrina tenuium corporum *medicamentis* (f) humido victu consulendum iussit.

- (a) Cels. l. 8. c. 1.
(b) l. de sal. viâ. rat.
(c) *ibid.*
(d) Hipp. l. de genit.
(e) Hipp. l. de morb. suet.
(f) l. de sal. viâ. rat.

I I I.

VINUM blanditur oculis, illecebroso ne crede nimium color: nares titillat avidas, dolosa fuge lenocinia: palato aridet, fallaces metue delicias. Exceptum ventriculo, viscera hujus fibras colubri dente vellicat. Hæ ad vividiores *con-tactiones* sollicitat, glandulas interfitas fortius comprimunt, undè copiosior succi

gastrici proventus. Cujus pretiosi roris exhausto demum fonte, (a) ventriculū exsiccare necesse est. Hinc prima singulis functionibus inuritur labes. Novus-ne perpetuo suppetit liquor è glandulis elidendus? Is simul cum Vino, quasi junctis viribus, perusos penetratosque cibos accuratè dissolvit, non parū juvantibus Bacchi spiculis, quæ, ceu totidem cunei, propellente motu ventriculī, quælibet alimentorum subeunt rimulas, durioreſque particulas divellunt. Indè cita *phlegma*. Alimenta sic primū elaborata, superatis chyli viis, purpureo committuntur alveo. Tunc Vini magis evolvi spiritus, per totum sanguinis fluentium diffundi, in obvias quasque partes impetuosis irruere, in vasorum continentium parietes ipsos atterere, tum ab iis niniūm distensis repelli, mox acrius præliari, quodcumque occurrit incidere ac discutere. Humores interim subtiliores facti vehementius agitantur, solidarum partium fibræ validius vibrantur, corpus univèrsū incalescit, expectatoque balsamo defraudatum exarescit. *Pomaceo* (cujus mox natura palam fiet) non modò minor exprimitur, quàm Vino, *gastrici* liquoris copia, sed expressi virtus etiam minùs adjuvatur, unde crassior enascitur chylus, in sanguinem quoque crassiores abiturus. *Pomacei* spiritus eas tantūm possunt intrā vasa sanguifera movere lucas, quæ multo potius ejusdem *phlegmate* faciliè componentur: pars verò spissior, glutinosis veluti catenulis, principiorum mobiliorū reprimat impetus, turbarum auctores, unctuoſo sinu salia demulcet effera, horumque aculeos, erodendis villis idoneos, nexibus oleosis intricat. Sic vasorum præpediuntur vellicationes, sic minuitur calor, sic non exsiccantur stamina, sed suffuso sensim madefacta rore, magis ac magis mollescent. Memoratas ut arceret noxas, commodaque recensita conciliaret Venerandus Senex, (b) cūm obesis acria tenuiaque præciperet *καταρρομα*, gracilibus eadem crassa pinguique præscribebat.

[a] Hipp. de vitæ. rat. l. 2.

[b] l. de sal. vitæ. rat.

I V.

DUM partes Vini sulphureo-volatiles chylum sanguini recens admistum mille le-cibus diverberant, ex tum propriis viribus, tum expeditis chyli sanguinisque principijs, tum aucto motu & calore intestino, tum prementium undequaque machinarum irritatâ potentia, nutritioni destinatum ad eò comminuunt succum, ut in sanguinis globulos ferè totus citissimè faceſcat. Ex quâ *αιματότης* vix ulla, quæ corpus nutrat, exurgit substantia concreſcere apta. Indè ratio petenda est, cur gra-ciles copioso ruore turgeant. Iterū atque iterū collisi tritique globuli exilissimas in particulas abeunt, per cutis spiracula mox avolaturas. Per easdem vias tenue ferum, saviente fervore, facillimè dissipatur. In vasis quid residuum? Duriora *tartari* crassamina, salibus fixis & acrioribus scera. (a) Hæc emaciandis urendisque solidis partibus, non recreandis, non reficiendis nata. *Pomaceo* tot averi posse calamitates *analysis* chymica luculenter ostendit. In hujus liquoris destillatione sulphureus primū spiritus prodit, isque multò parcior, quàm ex Vino; mox plurimum sequitur *phlegma*; tum, aucto igne, spissum elicitur oleum: quæ residua manet materia, pauci particeps est *alkalini* salis, à sale *tartari* parū discrepantis. Lentorem *Pomacei* latis indicat insipiens illa vis, quâ succus è pomis recenter expressus in primâ fermentatione turgescit. Eundem arguit ab eo liquore nata crapula, bistū vix edormienda. Dūm pinguis illa substantia, nostri corporis humoribus immista, volatilio-res emulsumque mimantes atomos vel placido illaqueat glutine, vel diluente micrigit seros; minùs agitata, minùs attenuata chyli ramenta, vorticoſo globulorum motui nullatenus accommodata, nutritiam cedunt in lympham. Ista suo prius defungitur munere, quàm aut in rubras mutari sphaſulas, aut per cutis meatus amandari possit. Quid ita? Caloris motusve mediocritas frequentiores collisus divisionesque præcaver. Per insensilem *διασπεν* minor fit feri utilis exhalatio; corporis macilentis vitia

4

emendantur, damna reparantur: exiles fibræ ab exedentium particularum morsu
certius vindicantur, aridæ uberius humectantur, mollius restaurantur exinanitæ.

(a) Hipp. de viſſ. rat. l. 2.

V.

LITENT obesi Libero, cuius auxilio segnem possunt excutere torpedinem, sanguinis ac spirituum (a) penuriam sustentare, vixque micantem nativi caloris flammulam à suffocatione vindicare. Sua nostram Pomoniam nianet gloria. Colant illam macilentæ, neque parva cultus erit merces. Inspissante magis quam attenuante potu graciles indigent. Horum cerebro nervisque, pinguedinis præsidio non munitis, Vini mordacitas inimica. Crassiores Pomaceo, subtiliores Vino humores generari; hoc vehementius, quam illo, caput nervosumque genus lædi unicâ probatur observatione Medico-Chirurgicâ. Luteriæ, Antistiodori, aliisque in locis, quorum incolæ Vino indulgent, partium inferiorum multò citius faciliusque, quam capitis, curantur vulnera. In Neustriâ utrorumque contraria fors. Ut ut gravior sauciatarum, nullo ferè negotio sanatur caput; pedis, tibiæ, femoris-ve ulcusculum in longam annorum seriem protrahitur, insanabilem non rarò mutandum in *φασιδιαι*. Horum-ec discriminum causam queris? Ex unâ parte, alta potentium humorum subtilitatem; ex alterâ, vix ascendentium eorundem spissitudinem incusa. Nec manifestiorem putes assignari posse rationem, cur Cadom, quam Parisiis, multò periculosior sit *Saphena*-sectio, serius præsertim, frequentius-ve celebrata. An illa, quam inducit Pomaceum, sanguinis crassitudine obstructions portendi cuiuspiam videbitur? A suavis Nestrice vindemix poculis metus iste deterreat, quos jam adipis importuna moles obruit, ac propter venarum arteriarumque (b) angustiam, (c) subitaneo strangulatu obnoxios reddit. Ab eo pavore liberent gracilium animos caloris innati maxima vis, volatiliū, quibus pollent, salium virtus, fibrarum vivida pulsationes, ac præcipuè vasorum sanguiferorum (d) amplitudo. Quibus illa natura corporis obtrigit, iis à Vino potius, quam à Pomaceo, non modò vasorum obstructions imminuent, sed & viscerum inflammationes, exulcerationes, tabes, hæmorrhagiæ, dysenterici, hydropes, paralyfes, calculi, arthritides, &c.

(a) Gal. comm. in Hipp. aph. 44. scil. 2.

(b) Gal. loc. cit.

(c) Hipp. Aph. cit. Cels. l. 2. c. 1.

(d) Hipp. Epid. l. 2.

Ergò gracilibus Pomaceum Vino salubrius.

Proponebat, Parisiis, JOANNES-BAPTISTA DU BOIS,
Sanlaudæus-Constantienſis, Baccalaureus Medicus,
A. R. S. H. M. DCC. XXV.

Typis PH. NICOLAI LOTTIN, Facultatis Medicinæ Typographi. 1725.